

## 阿母讀冊記

李月瑛

阿母自細漢就無讀冊，阿爸攏笑伊是「青盲牛」。阿母嘛定定講：「遮的囡仔讀冊的時，我若會曉綴讀，這馬毋知會加捌佻濟字咧！」阮讀冊的時，其實是阿母上無閒的時陣。規家伙仔遮爾濟人，阿母無閒這、無閒彼，哪有時陣綴阮讀冊捌字？

阮兄弟姊妹畢業了後，結婚生囡，阿母就鬥弄孫。十外个孫，阿母濟少攏照顧有著。

後來阿爸破病以後，攏是阿母咧照顧，阮兄弟姊妹歇暍才轉去看阿爸和阿母。阿母定定講：「我若共老的照顧予好勢，遮的囡仔就免煩惱，才會當安心去拍拚。」

阿爸過身了後，阿母嘛蹓院兩禮拜，復健誠久才漸漸康健起來。這個期間，阿母搬厝，搬轉去外家彼个庄頭蹓。有幾個阿姨嘛蹓仔附近，互相照顧攏真方便。

舊年阿母看對面的小學又閣咧辦成人教育班，毋捌字的阿母想欲去讀冊又閣躊躇，驚講會讀無冊。後來因為阮逐家的鼓勵才報名。一班十外人，干焦伊和另外兩位『oo-bá-sáng』是老人，賸的攏是外籍新娘。

逐擺我轉外家，食飽晝，阿母攏袂顧得去歇暍一下，趕緊摸我共伊鬥看功課。字有寫毋著無？課文有唸毋著

無？阿母寫字真慢，總是一劃一劃杳杳仔寫。伊的字寫甲足整齊，我呵咾伊真正是一个好學生，頂擺轉去刁工包一包紅包予伊做獎學金。阿母雖然講毋免啦，揀規半晷，落尾猶是歡歡喜喜共收起來！

大伯前一站仔問我阿母敢好？我共伊講，阮阿母除了運動、參加庄頭的活動、定定和兩三个阿姨同齊煮手路菜鬥陣食，閣去讀冊呢！而且是「負責」得全勤獎獎狀的喔！大伯笑講：「按呢會閣較少年！」

我轉外家學予阿母聽，順繼鼓勵伊愛繼續讀落去。阿母真歡喜，講：「我當然愛繼續讀冊，人數有夠才有法度開班，我讀有讀無無要緊，我是去做伴的，予遐的外籍新娘會當繼續讀冊較重要啦！」

原來阿母逐項攏咧替別人想，莫怪伊的生活當中無埋怨佻不滿，只有感恩佻惜福。對序細無囉嗦佻要求，干焦關懷佻珍惜。從到今毋捌怨嘆過，自然就袂憂頭結面。阿母真正是我人生這門課的老師！